

Vire Napule

Nantu à u to vascellu l'anima vagabonda
Si ramenta a storia di a to sponda vechja
Quand'ella spirò quì Partenope di l'onda
Nascisti cù l'azurru ...

Napuli di palazzi, di custere è d'aranci
Di circondi isulani di vigneti è di pampana
Sottu à i to celi puri Vesuviu in lu so avvampu
Cura l'albe marine ...

Sò i casali ochjuti, ci spendecanu panni
U ventu ci s'azzinca è ride trà e volte
Sporta colma à prufumi à mughji è à culori
Spacca Napule e voce di centu mila cori

U to visu hè a terra assuvata à parole
À brame di partenze à letti pazientosi
A to pelle di sole conta e to griviglie
Napuli duve sò risa è piantu sumiglia

Vire Napule... cun tè...

Napule di a notte chì accende l'orizonte
Duve vegħja l'amore
Quand'ellu volta un omu cù un mazzulu di fiori
È ti face Regina da ch'è tu ci innamori.

Vire Napule...cù tè...

Auteur / compositeur : Patrizia Gattaceca
Arrangeur / Jean Bernard Rongiconi

Basgiu di Barcelona

A Catalunya quì vole sfidà l'avvene
E piazze sò di ventu è d'idee è di sogni
Tinte d'oru è di sangue appese à i balconi
E bandere sò spere

Si cunfondenu in tè a notte cù u ghjornu
Per inventà a luce è inghjotte si u tempu
Si tacenu venice è vola a to voce
È vanu mille passi à tesse ti a fola

Basgiu di Barcelona
Cum'è u sole chì mai vole ciuttà
Ballu in Barcelona
Nantu à a mossà offerta di e ramblas

U cerchi u to silenziu in l'ochji di e donne
Memoria di pittori di fede è di pazzia
S'alzalu cum'è tempii in celu l'utopie
Un puema impetratu ricamu mai compiu

Ceramica d'azurru marosu
Cancani di ghitare estrose
Alloppiu di sirene in u vinu è u cantu
Da Fenice sì morta è rinata più bella
Barcelona a stella

Basgiu di Barcelona
Cum'è u sole chì mai vole ciuttà
Ballu in Barcelona
Nantu à a mossà offerta di e ramblas.

**Auteur /compositeur/ Patrizia Gattaceca
Arrangeur /Jean Bernard Rongiconi**

Ballu magu

L'ultimu ragiu s'intana
À la to notte mi sposu...
Un primu basgiu, una manna

Quandi a to voce si spanna
È lu to versu amurosu
Di a vita in lu chjosu
Ci batte a sciappittana

Mi doma a to carezza
Duve u tempu s'aghjumella
Sottu à u mantu di e stelle
Nascenu tante prumesse

Ballu magu è focu eternu
À e porte di a vita
U mo celu u mo rispiru
U mo versu lenu

À la to notte mi sposu
È beiu à la to funtana
Ci batte a sciappittana
In u mo desertu rosu

Di stu locu pellegrini
Ne sulcheremu ogni chjassu
È purteremu lu passu
À le più streme cunfine

Beiu à la to funtana
Fiume più gosu
Batte in u desertu rosu
A sciappittana
Batte in u desertu rosu
A sciappittana

Ballu magu è focu eternu
À e porte di a vita
U mo celu u mo rispiru
U mo versu lenu...

**Auteur/ Compositeur/ Patrizia Gattaceca
Arrangeur /Jean Bernard Rongiconi**

De Buenos Aires

Buenas noches Buenos aires
Mi imbotru di u to campà
En las cuadras batticore
A memoria di u tango

Di paradisu o d'infernu
Trà u more è u cantà
L'anima ripiglia fiatu
Tempu di mette à ballà

Fuente de la palabra
En la sangre en la vida
Asi inventa el poeta
Las estrellas y la luna
De Buenos Aires

In e cennere di l'oddìu
In a storia da rifà
U to versu l'ai trouv
Cumencia cun libertà

In l'abbracciu di duie ombre
Cresce a frebba di a cità
Un viaghju senza sponda
Tempu di mette à ballà

Impruvisa u silenziu
U soffiu d'un bandoneon
Cunterà a mo partenza
Tangueando mi corazon

Fuente de la palabra
En la sangre en la vida
Asi inventa el poeta
Las estrellas y la luna
De Buenos Aires

**Auteur/Compositeur/Patrizia Gattaceca
Arrangeur/Jean Bernard Rongiconi**

Criss-crossing

Sò d'azurru e mosse
Di celi scalaticci
D'esilii stacchicciati
In issu mare memoria
Cappianu u so schizzu
E spelonche di sale

È voca voca
À sulcà mari
Voca voca
Criss-crossing
I'm criss-crossing the sea
Criss-crossing
I'm criss-crossing away

E brame di u viaghju
E s'inghjottenu bocche
Tamante cum'è sapare
Mi trae u marosu
È mi rende à a sonda
Cun l'estru chì ciambotta

Ma sò u marinaru
I mo cumpagni à fiancu
Sapemu tanti chjassi
Nantu à e nave ardite
Pè sogni à sculinà
Ver di celi infiniti

Criss-crossing

...

Andà cun tè surella
Duve l'acelli sò
È battenu e vele
Criss-crossing

**Auteur /Compositeur/Patrizia Gattaceca
Arrangeur/Jean Bernard Rongiconi**

Istanbul, Istanbul...

S'apre maestosa a porta turchina
Cum'è un crucivia à rente à u mondù
Istanbul
Un pocu di mè, un pocu di tè
Prufumi saliti trà e duie sponde
D'Istanbul

Vecu spuntà quì e sette cullette
E cuppule in celu di palme è cipressi
Istanbul
Sentu ch'ella destà una chjama arghita
Brioni d'acelli da l'ale infinite
Istanbul

Istanbul Istanbul...Istanbul

Di chì mare sò l'omi di a to terra
Di chì terra sò l'omi di i to mari
Istanbul
Sentu batte quì a musica para
Di tante sapienze è di venti rari
Istanbul

Fiore chì si spanna fighjendu u sole
Sentu quì deserti è muschi d'alloppliu
Istanbul
Ma quale serà u tontu pittore
Chì d'amore vintu t'hà vestutu d'oru
Istanbul

Sentu cuntrasta l'ore in carrughju
U portu è u fiume
D'Istanbul
A chjama casana hè mugħju vanu
È si cala u lume
In Istanbul...

Istanbul Istanbul...Istanbul

**Auteur /Compositeur/ Patrizia Gattaceca
Arrangeur/ Jean Bernard Rongiconi**

Hè a terra

Hè a terra
Di l'albe amate
Hè a terra
Di u sognu
A terra silenziosa

Hè a terra
Di a petra azurra
Hè a terra
In i pieghi di a rena
A terra duve vince l'amore

Hè a terra ardita
In l'ortu surridente
Quand'elli stanu bassi
I frundami di lume

Hè a terra
D'ogni vindemia
Hè a terra
Di i ceppi pisii
Offerta cum'è u ricordu

Terra ribombu
Di cime altiere
Terra u mondu
Culor di spera
Terra giuconda
Bandera...

Hè a terra
Di e stelle à volta
Hè a terra
Nantu à e mure vechje
Hè a terra ghjessu nantu à u chjassu

Hè a terra
Di l'acque dolce-amare
Hè a terra
Di schjuma in lu so frombu
Hè a terra prumessa d'orizonti

**Auteur / Compositeur/ Patrizia Gattaceca
Arrangeur/ Jean Bernard Rongiconi**

Medina di notte

Si sposta u mondu
Nantu à un'aria di Medina
L'aria scioglie muschi
In a stonda di cedru
Di frutti in a so polpa
Si ne imbotra a luna
È cantanu i banchi
Ingordi di u so lume

L'oriente sottu à a volta
Conta una fola vechja
A mente girivolta
À l'oriente chì batte
L'oriente sottu à a volta
Conta una fola vechja
A ghjente gira è volta...

Litanie cappiate
Da e voce zitellesche
S'azzincantu à u celu
Pè fà lu falà quì
Indulenti beduini
In le so catapeghje
S' anu lacatu u sognu
In un mare di rena

Piengħje lacrime d'oru
U sciloccu à e dune
Mentre ella mugħja a notte
Vargħjinati culori
È u lume ciambotta
U sciloccu à e dune
Mentr'ella s'apre a notte ...

L'oriente sottu à a volta
Conta una fola vechja
A mente girivolta
À l'oriente chì batte
L'oriente sottu à a volta
Conta una fola vechja
A ghjente gira è volta...

**Auteur /Compositeur/ Patrizia Gattaceca
Arrangeur/Jean Bernard Rongiconi**

Bastia Batticori

Ùn ci hè bisognu à dì tutti i mo batticori
Unu à unu lampati à pressu à u to sguardu.
Un antru ghjornu hè natu, pisatu d'a to voce
Chì sveglia i ricordi vissuti tempi fà.

A Piazza era bianca è tù ci sì passata...
A palma di u sole ùn vulia stancià
Un surrisu si hè fattu à l'arice d'un sonniu.
Hè principiatu tandu l'arcu d'i nostri ghjorni.

A cullana di l'anni ùn ci hà mutatu nunda:
À passi più sappiuti u chjassu hè più frollu.
Duv'è no simu andati ùn la dì mai à nimu,
Qualchì celu ghjelosu ci purria annuchjà.

Cum'hè ch'u sole ciotta malgradu u nostru amore?
U lume sarà tontu chì avvampa e to labre, cum'è hè?
U lume sarà tontu cum'hè?

**Auteur/Ghjacumu Thiers /Compositeur/Patrizia Gattaceca
Arrangeur/Jean Bernard Rongiconi**

Per tè Ghjerusaleme

U ventu si lamenta
Cità pumposa
M'arricordu di tè
À e porte di l'alba
I to muri calcina
Lume à vampate
I to canti celesti

O tuttu o nunda
Per tè Ghjerusaleme
Tempiu o tesoru
Polvera è oru Ghjerusalè
O tuttu o nunda
Per tè Ghjerusaleme
Muntagna ardente
Ghjerusalè

Qui ci sò ghjungi tutti
Affascinati
À pregà o tumbà
Eternu portu
Per un destinu à fà
Omi è suldati
È un Diu à truvà

Dormenu i rè
Ind'è l'abbracciu nudu di e fate
Chì curanu i passi
Di u nostru mondu incertu
Dormenu i rè
Aspettendu l'avventu di a pace

O tuttu o nunda
per tè Ghjerusaleme
Tempiu o tesoru
Polvera è oru
Ghjerusalè
O tuttu o nunda
Per tè Ghjerusaleme
Muntagna ardente
Ghjerusalè...

**Auteur /Compositeur/ Patrizia Gattaceca
Arrangeur/ Jean Bernard Rongiconi**

Reame Biancu

E rondine anu lacatu
L'onde appese à i fili
A basca s'hè verdogna
È u lume s'agranca
I nuli sò gonfii
Canteranu e spisce
À son di preghere
In e stofe legere

Dorme dorme issu mondu
Annanatu da l'onde
Sottu à l'Himalaya duve a neve stà
Dorme dorme issu mondu
Annanatu da londe
Ver di l'Himalaya s'accende Shamballa

Ne piglia l'altu
Pè u reame biancu
U fremu di e voce
Innu di libertà
U tempu s'hè lebbiu
È s'ingutuppa l'aria
Sperenza è fede
Duve u silenziu và

Omù di e cime
U to cantu rima à pace
Omù di e cime
U to locu avvinghje
L'immensità

Dorme dorme issu mondu
Annanatu da l'onde
Sottu à l'Himalaya duve a neve stà
Dorme dorme issu mondu
Annanatu da londe
Ver di l'Himalaya s'accende Shamballa...

**Auteur /Compositeur/ Patrizia Gattaceca
Arrangeur/Jean Bernard Rongiconi**

Isula sì

Piaghe
In e strine di e labbre
U calore salitu di e to mani

Acqua
chì solca a terra
In un lettu prufondu
corre è balla

Isula sì
di a parolla
Isula sì
Secretu frollu
Libera sì
Annudata à a mente

Voca
In a voce di a luce
A frebba di l'esiliu
Fruttu dolce

Pozzu
Spechju di u viaghju
Mughjanu l'Orizonti
In e vele stracciate

Landana sì
Sì u cumenciu
Soli scialbati
Meziornu sì
Chì ricumenci

Isula sì
di a parolla ...

**Auteur /Compositeur/ Patrizia Gattaceca
Arrangeur/Jean Bernard Rongiconi**

Granitule

Giranu e granitule
À l'addiritta à l'oritrosa
Giranu e granitule
Sò tondi i mesi
Giranu e granitule
A l'addiritta à l'oritrosa
È giranu cum'è nanne
Turnemu criature

In a canzona
Chì voca tondu
Una canzona chì mi risona

Giranu e granitula
Memoria di u parte
Giranu e granitule
Ricordu di u partu
Vuchemu in lu so grembiu bambace
A circà veculi

In a mossà sempre listessa di ciò chì fila
Strascinendu si un frombu

In a canzona
Chì voca tondu
Una canzona chì mi risona

**Auteur /Compositeur/Patrizia Gattaceca
Arrangeur/Jean Bernard Rongiconi**